

6160.110

VISCHNAUNCA DA TUJETSCH



Regulativ da vias

Regulativ da vias dalla vischnaunca da Tujetsch

I. Generalitads

Art. 1 Quei regulativ regla il manteniment da tuttas vias e lur annexas (indrezs da drenadi, mirs da sustegn, seivs), sco era il traffic da vehichels motorisai sil territori dalla vischnaunca. Quei vala cun resalva dil dretg surordinau, en special per las vias cantunalas. Intent e cuntegn

Art. 2 La suprastonza communal ei responsabla ch'il regulativ da vias vegni ademplier. Ella surdat la controlla e l'obligaziun d'annunzia agl uffeci da baghegiar (manteniment) ed al polizist communal (traffic). Survigilanza

Art. 3 La vischnaunca ei proprietaria da tuttas vias e sendas terminadas (sut resalva dallas vias cantunalas), sco era da tuts indrezs da drenadi ch'ei vegni construi en connex cun la megliuraziun. Proprietad

Art. 4 Ils plans da vias sco era il register dallas parcelas ein part integrala da quei regulativ. Igl uffeci da baghegiar ei obligaus da cumpletar quellas informaziuns da basa. Ils plans ed il regulativ ein deponi tier igl uffeci da baghegiar. Plans e registers

II. Obligaziuns dils proprietaris da schischom ed utilisaders dils indrezs.

Art. 5 Igl uffeci da baghegiar ei d'informar a scret ni a bucca, aschiprest che reparaturas vida vias ed indrezs da drenadi ein necessaris. Vegn terren agricol duvraus per auters intents che l'agricultura, ei il proprietari obligaus d'annunziar quei alla suprastonza communal. Obligaziun d'annunzia

	<p>Art. 6 Ils proprietaris da terren agricol ed ils utilisaders da vias ein obligai da tralaschar tuttas acziuns che savesen donnegiar indrezs communabels e da periclitlar lur manteniment.</p>		
Access als indrezs	<p>Art. 7 Als organs da survigilonza dalla vischnaunca s'auda ei da possibilitar da tut temps access als indrezs per intent da controlla.</p>		
Plazs da deposit	<p>Art. 8 En connex cun reparaturas ni lavurs da cumpletaziun ei il proprietari ed affitader obligaus d'acceptar deposits temporars da material, bischels etc. sin siu terren. Caschunan tals deposits donns indemnischscha la vischnaunca ils donns caschunai.</p>		
Traffic	<p>Art. 9 Mintga cundrez e mintga acziun vida vias, scarpas, punts passadis ni mirs che pericliteschan indrezs e traffic ein scumandai. Tuts edifecis, baghetgs e mirs agl ur dalla via ston vegnir manteni sin tala moda ch'els donnegeschon e pericliteschan buca la via. Il runar leŕna sco era ulteriurs cundrezs da runadi astgan vegnir duvrai sulettamein sin vias scheladas. Duront periodas fetg bletschas ein cargas fetg pesontas da tralaschar. Ils plazs d'untgida s'audan tier la via ed astgan buca vegnir duvrai sco plazs da deposit. Il parcar sin plazs d'untgida ei mo lubius sch'il manischnunz sesanfla en la vischinonza.</p>		
Deposits sin via	<p>Art. 10 Igl ei scumandau da deponer crappa, zerclen ed outra rauba mundada sin via, resp. sigl ur dalla via. Vegn ei fatg talas deponias duront mundar ston ellas vegnir allontanadas immediat suenter la lavur. Igl ei scumandau da deponer ils rumians suranumnai en dutgs, passadis, tschaffadas d'aua ni sut punts. Sche la via vegn tschuffernada fermamein, ha ella da vegnir schubergiada immediat dil caschunader. Lidimers astgan buca vegnir piazzai agl ur dalla via.</p>		
		<p>Art. 11 Tuttas seivs permanentas, mirs etc. drovan ina lubientscha da baghegiar. Agl ur dalla via astga vegnir eregiu mo seivs che pericliteschan buca la segirtad dil traffic e dalla via. Vegnan seivs buca mantenidas en bien stan, sa l'istanza cumpetenta ordinar la dismessa da talas. La deflussiun dall'aua giud via astga buca vegnir impedida entras seivs e mirs. Seivs da fildirom cun spinas ein scumandadas. Tier plantar plantas e caglias ei da risguardar las distanzas tenor lescha da baghegiar communal.</p>	Seivs
		<p>Art. 12 Ualers astgan sulettamein vegnir tschentai si el contuorn da vias sch'il traffic ed ils pedunzs vegnan buca periclitai. Ualers basegnan ina lubientscha da baghegiar.</p>	Ualers
		<p>Art. 13 Ils indrezs da drenadi, en special il conduct prefluent, astgan mo vegnir duvrai per novas colligiazions sche l'autoridad da baghegiar dat la lubientscha. Ina summa da colligiazion ei da pagar, sch'il prefluent sto vegnir engrondius ni completaus en consequenza dalla nova colligiazion, ni sche parcelas e schischons vegnan colligiai che han buca saviu vegnir tschaffai dil perimeter. La summa da colligiazion vegn fixada dalla suprastanza communal.</p>	Novas colligiazions da drenadi
		<p>Art. 14 Novas vias d'access astgan mo vegnir baghegiadas sin fundament dalla lubientscha dalla suprastanza communal e sut observa dallas indicaziuns dadas digl uffeci da baghegiar.</p>	Vias d'access
		<p>Art. 15 Per tuttas fuormas da conducts, sco conducts d'aua, conducts d'electricitad, pendicularas etc. sin e sper via, drova ei la lubientscha dalla suprastanza communal. La suprastanza tschenta las cundiziuns, il petent ha da surprender ils cuosts.</p>	Conducts sutterrans e lingias stendidas sur via
		<p>Art. 16 Negligeschon il proprietari, affitader ni utilisader obligaziuns prescettas era suenter l'emprema admoniziun, ha la suprastanza la pussevkladad da prender mesiras sin donn e cuost digl obligau. Per donns che seresultan muort tralashada d'obligaziuns ei il proprietari resp. igl affitader responsabels.</p>	Tralash d'obligaziun

III. Obligaziun da manteniment, repartiziun dils cuosts e pagaments

Manteniment,
rumida da neiv

Art. 17 Tut manteniment dallas vias tenor art. 3 e las vias privatas cun interess e diever public ei caussa dalla vischnaunca e vegn finanziaus dil tuttafatg da tala. Ei exista negina obligaziun da rumir la neiv ordeifer las zonas da baghegiar. Rumidas da neiv tras privats ein buca lubidas. Ina lubientscha extraordinaria sa vegnir dada tras l'autorità cumpetenta.

Vias forestalas

Art. 18 Igl entir manteniment ei caussa digl uffeci forestal e vegn era finanziaus ed exequius dil tuttafatg da tal.

Contribuziuns
specialas

Art. 19 Vegn ina via ni in auter indrez duvraus sur mesira entras in proprietari da funs, entras ina tiarza persuna ni per motivs industrials, sto il pertuccau vengir obligaus da pagar inagada ni mintga onn ina contribuziun speciala als cuosts da manteniment. Vegn ei caschunau donns pli gronds entras carrar cun vehichels da transport fetg pesonts (tenor art. 22 dallas prescripziuns da traffic), sche sto la suprastanza communal pretendet immediat reparatura. Il caschunader sto surprender tut ils cuosts.

IV. Prescripziuns da traffic

Traffic da vehi-
chels motorisai

Art. 20 En principi ei il traffic da vehichels motorisai lubius sin tuttas vias da vischnaunca publicas senza lubientscha speciala. En cass specialas sa la vischnaunca publicar per singulas vias scamonds da carrar generals ni parzials. Tenor igl uorden da vias svizzer ston quels scamonds vegnir signalisai adequatamein.

Art. 21 Per vias serradas sa la suprastanza communal dar lubientschas specialas. Per quellas lubientschas ei da pagar ina taxa. La suprastanza communal sa alzar ni indexar quella taxa da temps en temps. Il manischunz ei obligaus da purtar duront carrar sin sesez la carta da lubientscha e da deponer quella bein veseivel el vehichel duront parcar.

Lubientschas
specialas

Art. 22 Vehichels sur 11 tonnas astgan carrar sin vias communalas ordvart las zonas da baghegiar mo cun lubientscha speciala. Per quella lubientscha vegn incassau ina taxa.

Peisa maximala

Art. 23 Tgi che cunterfa a quellas ordinaziuns vegn punius tenor las prescripziuns dalla lescha federala pertuccont castitgs da traffic. El cass da repetiziun seduplichescha il castitg. Tgi che surpassa ord atgna voluntad ni ord malprecauziun quei regulativ e tgi che suonda buca las ordinaziuns dalla suprastanza communal ni dalla polizia, vegn castigiaus entochen 5 000.– frs.

Surpassaments

V. Prescripziuns finalas

Art. 24 Grevezias sco dretgs da vias e d'utilisaziun valan mo aschilunsch sco els ein impurtai el cudisch funsil.

Grevezias

Art. 25 Quest regulativ vegn approbaus dalla radunonza da vischnaunca. El va immediat en vigur.